

## ᾠωυλόά Paulo Lówanlín Sísí Tito

### *Itsiáha*

<sup>1</sup> Mí Bulu osúmbi Paulo, ngyi Yesu Kristo sumbí ɔyɔpú dé ɔwulú ánfí wanlín.

Bulu léle mí ɔbéé, mbeha ahá ámúbú alalé ámu abutra nya hógyi tsia. Mí ansuna amú abubu ɔnɔkwaliá íbéha amú bétsiá tsiátóá ilegyi mu ansí. <sup>2</sup> Fówun íha amú abudinka ansí nkpa ání itamatású. Bulu tamawá afunu! Muléhié mú yái asa ɔyí lebelin. <sup>3</sup> Aní Nkpa Ɖhópu Bulu léle mu asún ánfí ɔwan mu onutó brétó, ɔlɔpuwá mí íbitɔ ɔbéé, ndáa mú ɔkan.

<sup>4</sup> Nde ɔwulú ánfí wanlín sísí fú Tito, ání fúgyi mí bí onutó Kristo hógyi amvɔ.

Aní Sí Bulu mva aní Ɖhópu Kristo Yesu bugyí fu buale, abuha fú iwilwii!

### *Tito Gyumagyihe Kreta*

<sup>5</sup> Tóá svá nesi fú yái Kreta ɔmátó gyí alíá fómɔ aní agyómá ɔnó unu, yái ɔpasua ahande wúlugyíwúlusu fé alíá nebláa fu. <sup>6</sup> Imehián ání ɔlala bétsiá ɔpasua ɔhande íwi. Ɖbwéé ɔká ɔkule ɔtsiápu, mu abí bugyi ahógyipu. Bubúu ató; bumábwe nyebí laláhe. <sup>7</sup> Íniá Bulu agyómású ɔpasua ɔhande amu déki sv á, ɔlala mátsiá mu íwi. Ɖmábwe ɔhá ání ɔtamahɔ ahá asún, ntéé ɔtɔkósi nyá ɔbló, ntéé ɔtɔbú ntá, ntéé ɔtekle ikó ntéé ɔbu sika ɔnsípe. <sup>8</sup> Mboún ɔbwéé ɔhá ání ɔtɔhɔ afóó, ɔtɔbwé yilé, ɔbu nyánsa, mu asún da ɔkpa, mu íwi letin, otegyi íwisu. <sup>9</sup> Ɖbwéé ɔhá ání asún ámúbú bosuná mu amu íbu mútú. Ílehián ání ɔbékitá mútú kínkínkín, méní ɔbétalí há ahá bóbuo atosunáhé wankláán ámu, tálí gyi ahá ání bégyi atosunáhé amu nwéen éśú.

<sup>10</sup> Tóá suá nde íni blí gyí, ahá tsòtsòòtsò bakósú líí atosunáhé wankláán ámusu, bude asún ání uma labi pumlé ahá. Títriu ketétún mblasu agyípó amu dé íni bwe ní. <sup>11</sup> Ilehíán ání mléka amú itin, tsúfé bude atóá imehián ání bosunátó. Íni lahá abusuan tsòtsòòtsò bafwí òkpa. Bude mú bwe é púdúnká sika òkpa laláhesu tsú ahá wá. <sup>12</sup> Kretafò ámu onutó yébi òhapú òku kúráá léblí òbée, “Afunupu, mbwikítá-atò, apotsuapu pú awuliyòpú Kretafò bugyi.” <sup>13</sup> Ònòkwali asún ánfí gyí. Mú su kina ha amú kínkíínkín, méní amú Kristo hógyi ònó bówa ònlun. <sup>14</sup> Abusi Yudafò òte nu, si ahá ámúbú bakíná ònòkwali amu atosunáhé ésú gyí. <sup>15</sup> Òhá ání mu iwí létun Bulu ansító á, tógýtó iwí létun ha mu. Táme tòtò iwí métun ha laláhe òbweyáá òtamahò Yesu gyi. Lélé mú á, mu agywun layíntá, mu klun é lasí mu ipón ha su òtamabí yilé ntée laláhe. <sup>16</sup> Butòpú ònó blí bée buyin Bulu, táme amú bwehé losuná ání bumeyín mu. Bubu Bulu nyányáa, butamabú mu, butamatálí bwé itò wankláán kòkòkò é.

## 2

### *Atosunáhé* Wankláán

<sup>1</sup> Táme fú mú á, suna amú tóá ùlekanáa atosunáhé wankláán ámu. <sup>2</sup> Suna ayin òehen amu abugyi iwísu, abubwe ahá ání obú bu amósú, butegyi iwísu. Buhíe kita amú hógyitò kínkíínkín. Budwée ahá wankláán, abuhie tomi. <sup>3</sup> Suna atsi òehen é abutsia tsiátóá ùlekanáa Bulu osúmpú. Bumábwe ahá iwí asún ablípó, ntée ntakpan anúpú. Mboún busúna tóá ibu alé. <sup>4</sup> Amú atosunáhé iha mbitebí ámu abudwe amú akúlu pú amú abí. <sup>5</sup> Buggyí iwísu, abuha amú iwí itun. Bubwée atsiá butekí amú wóyísú wankláán, butòbwé yilé, butobú amú akúlu, méní òhaa móòkpóí Bulu asún ámu.

<sup>6</sup> Tòí kpla nyasubi é abugyi iwísu tógýtóá bóbwetò. <sup>7</sup> Fú onutó é bò mbódí afule tsiátó wankláán suna, fú bwehé

kugyíkwtò. Ha fú ansí ipε, afusuna ònòkwali asún ámu tsu fú kluntò. <sup>8</sup> Suna ònòkwali amu, ménì òhaa méetalí kusú líí fú atosunáhésu. Fówun péli békitá fú alupó, ní bumenya òlala blí tsú aní iwí.

<sup>9</sup> Suna nkpábi é abubu amú awíε òkpagyíòkpasu. Bubwée tógyítò igyi amú awíε amu ansí. Bumátsiá lé amú asún ònò. <sup>10</sup> Bumáwi amú awíε, mboún buwáa ònòkwali ha amú tógyítótò, ménì amú bwehé béha ahá ansí bégyi aní nkpa Òhópu Bulu atosunáhé amu iwí.

<sup>11</sup> Tsúfé Bulu lalé mu awítòle òwan. Múgyí, odekléá òbòhò anyánkpúsa féé nkpa. <sup>12</sup> Mu awítòle amu ulasúná ánì ilehián ánì abési lalahe bwe, sí aní òwòli laláhe òmagyáa, gyi iwísu, bwé yilé, aní asún igyi mu ansí òyí ánfítò. <sup>13</sup> Bré ánfì anidé òkpa kí há eke yilé amú Bulu Òkponkponí, ogyi aní Òhópu Yesu Kristo òbéle mu numnyam òwan ánfì. <sup>14</sup> Múlòtsulá bəmò mu aní su, ménì òbéle aní tsú lakpan kugyíkwtò. Òtin aní iwí, pu aní bwe mu onutó ahá, aní ansí ipε yilébwesu.

<sup>15</sup> Suna ínì aná, afútòì kpla amú abugyi músú. Fubu òkpa wá iyun wá amú, ní bumedébi bwé. Máha òhaa òkí fú ansító kótíkótí.

### 3

#### *Okristoyin Tsiátò*

<sup>1</sup> Tsia kaun amú abuba iwíasi ha òmá akparó, abugyi ahande mbiasu, abubu amú. Bukí ánì bóbwe tóá igyi yilé brégyíbré. <sup>2</sup> Bumáblí òhaa iwí asun laláhe, bumágyi nwéen é. Mboún bubwée ahá ánì bolwií, abuba iwíasi ha òhagyíòha. <sup>3</sup> Tsúfé bré ámu a, aha mimláhe aní é anígyí. Asutò lówa aní ònlun. Anilófwi, mlí nkpábi há òwòli laláhe pú atóá itowá òha ansígyí. Aniléyintá bré súsulalahe múa tóá ide aní ansí pε iwí. Ahá bolu aní, aní é anilólu amú. <sup>4</sup> Táme aní nkpa Òhópu Bulu léle mu awítòle pú òdweá òbu ha aní òwan. <sup>5</sup> Òlele aní, táme megyí yilé kuku anilóbwe

su, mboún mu nwewúun su. Ɔlɔtsun Ɖɛ Wankíhé amusu fwí aní lakpan lé anisu, ɔlɛlakwí aní, há aní nkpa pɔpwe. <sup>6</sup> Ɔlɔtsun aní Ɖhópu Yesu Kristosu, tséí Ɖɛ Wankíhé amu wólí anisu. <sup>7</sup> Ɖlɔbwe aní alí, méní ɔbówa awitɔle há aní, tsú mú ání aní asún da ɔkpa, fówun aní ibi béda nkpa ání itamatá ámúú anidé mú ɔkpa kí amu. <sup>8</sup> Asún ání bu mútɔ.

Yiri iwí afusuna mú wankláán, méní ahá ámúú amú ansí dín Bulusu ámu bétsiá bwé yilé brégyíbré. Múgyí tɔá ibi alé, ibówa labi há ɔhagyíɔha ni. <sup>9</sup> Mápυ iwí wá mimlá nwéngyí, anáin ilíntɔ kláa, pú mbla ámu iwí itrétɔ. Labi ma mútɔ kugyíkɔtɔ. <sup>10</sup> Tɔi kpla ɔhá ání ɔtetí itré wá ahá nsiné tse nyɔ pé. Mú ɔma a, si mu asún. <sup>11</sup> Bi ání ɔhá ámu odu nwuntɔ bu oklún. Oyin ání lalahe mudebwe. Alahá mu iwí pón dodo.

### *Paulo Asún Tráhe*

<sup>12</sup> Nenyá wá Artema ntée Tihiko fú wá pé, bɔ mbódí afubɔtu mí Nikopoli wúlutɔ, tsúfé nabwé agywun ání nétsiá unv atsalí bí. <sup>13</sup> Bɔ mbódí afusi mbla osunápú Sena mua Apolo ɔkpa wankláán. Tɔtɔ umáhián amú ɔkpatɔ. <sup>14</sup> Ha aní pi amu é abubi alíá butɔbúa aba agyúmá yɔ wankláán, méní bétalí kí ahá ání buma tɔtɔsu. Fówun bumóɔbwe ahá ání amú iwí mówa labi.

<sup>15</sup> Ahá ámúú bubu mí wá nfi ámu fée behá fú itsiá. Ahá ahógyipu amúú butɔdwé aní ámu itsiá.

Buluogyíi mli fée buale.

**Bulu ntam pɔpwe; Nkonya**  
**New Testament in Nkonya (GH:nko:Nkonya)**

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

### Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 13 Mar 2019 from source files dated 13 Mar 2019

01b09958-fa53-51d1-aae0-88c7e9302503